

TILSKIPUN FRAMKVÆMDASTJÓRNARINNAR 2000/50/EB

2002/EES/12/29

frá 26. júlí 2000

um að bæta virku efni (próhexadionkalsíumi) við í I. viðauka við tilskipun ráðsins 91/414/EBE um markaðssetningu plöntuvarnarefna(*)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,
með hliðsjón af tilskipun ráðsins 91/414/EBE frá 15. júlí 1991 um markaðssetningu plöntuvarnarefna⁽¹⁾, eins og henni var síðast breytt með tilskipun framkvæmdastjórnarinnar 2000/10/EB⁽²⁾, hér á eftir nefnd „tilskipunin“, einkum 1. mgr. 6. gr.,

og að teknu tilliti til eftirfarandi:

- 1) Í samræmi við 2. mgr. 6. gr. tilskipunarinnar barst Frakklandi hinn 10. febrúar 1994 umsókn frá BASF AG, hér á eftir nefnt umsækjandinn, um skráningu virka efnisins próhexadionkalsíum í I. viðauka við tilskipunina.
- 2) Í samræmi við ákvæði 3. mgr. 6. gr. tilskipunarinnar staðfesti framkvæmdastjórnin í ákvörðun 96/520/EB⁽³⁾ að hægt væri að líta svo á að skjölin með próhexadionkalsíumi fullnægðu í aðalatriðum gagna- og upplýsingakröfunum sem fram koma í II. viðauka við tilskipunina og upplýsingakröfunum fyrir plöntuvarnarefni með þessu virka efni sem fram koma í III. viðauka við tilskipunina.
- 3) Í samræmi við 1. mgr. 5. gr. tilskipunarinnar skal skráning virks efnis í I. viðauka ekki gilda lengur en í 10 ár ef gera má ráð fyrir því að hvorki notkun né leifar plöntuvarnarefna með þessu virka efni muni hafa skaðleg áhrif á heilsu manna eða dýra né á grunnvatn eða nein óviðunandi áhrif á umhverfið.
- 4) Áhrif próhexadionkalsíums á heilsu manna og umhverfið, með tilliti til þeirrar notkunar sem umsækjandi fyrirhugar, hafa verið metin í samræmi við ákvæði 2. og 4. mgr. 6. gr. í tilskipuninni. Frakkland, sem kemur fram sem tilnefnt skýrslugjafaríki, lagði drög þau að matsskýrslu, er um er að ræða, fyrir framkvæmdastjórnina 9. júní 1998.
- 5) Aðildarríkin og framkvæmdastjórnin hafa farið yfir skýrsluna innan fastanefndarinnar um plöntuheilbrigði. Þeirri endurskoðun lauk 16. júní 2000 með endurskoðaðri matsskýrslu framkvæmdastjórnarinnar um próhexadionkalsíum. Nauðsynlegt kann að reynast að uppfæra téða skýrslu með tilliti til þróunar á sviði tækni og vísinda. Þegar það verður gert verður einnig nauðsynlegt að breyta skilyrðunum fyrir skráningu

próhexadionkalsíums í I. viðauka við tilskipunina í samræmi við 1. mgr. 6. gr. þeirrar tilskipunar.

- 6) Skjölin og upplýsingarnar úr endurskoðuninni voru einnig lögð fyrir vísindanefndina um plöntur 26. nóvember 1999 og óskað eftir álitni hennar á þeim. Sú nefnd skilaði álitni 6. júní 2000.
- 7) Mismunandi rannsóknir hafa leitt í ljós að gera má ráð fyrir því að plöntuvarnarefni, sem innihalda virka efnið sem um er að ræða, uppfylli almennt kröfurnar, sem mælt er fyrir um í a- og b-lið 1. mgr. svo og 3. mgr. 5. gr. tilskipunarinnar, einkum að því er varðar notkunaraðferðirnar sem voru skoðaðar og tíundaðar í endurskoðaðri matsskýrslu framkvæmdastjórnarinnar. Því er við hæfi að skrá virka efnið, sem um er að ræða, í I. viðauka til þess að tryggja að hægt sé að veita leyfi fyrir plöntuvarnarefnum, sem innihalda viðkomandi virkt efni, í öllum aðildarríkjunum í samræmi við ákvæði tilskipunarinnar.
- 8) Nauðsynlegt er að veita aðildarríkjunum samngjarnan aðlögunarfrest til að hringa ákvæðum tilskipunarinnar um plöntuvarnarefni, sem innihalda próhexadionkalsíum, í framkvæmd og ekki síst að veita þeim tólm til þess að endurskoða, innan þess frests, áður útgefin tímabundin leyfi eða til að veita ný leyfi í samræmi við ákvæði tilskipunarinnar í síðasta lagi við lok þessa frests. Lengri frest kann að þurfa fyrir plöntuvarnarefni sem innihalda próhexadionkalsíum og önnur virk efni sem falla undir I. viðauka.
- 9) Rétt er að kveða á um að aðildarríkin hafi loka-skýrsluna aðgengilega (nema trúnaðarupplýsingar í skilningi 14. gr. tilskipunarinnar) fyrir alla hagsmunaaðila til skoðunar eða veiti þeim aðgang að henni.
- 10) Skoðunarskýrslan er forsenda þess að aðildarríkin geti með réttu lagi hrint í framkvæmd sumum þáttum samræmdu meginreglnanna, sem kveðið er á um í VI. viðauka við tilskipunina, þegar þessar reglur vísa til mats á gögnum úr II. viðauka sem hafa verið lögð fram með það fyrir augum að virka efnið verði skráð í I. viðauka við tilskipunina.
- 11) Ráðstafanimar, sem kveðið er á um í þessari tilskipun, eru í samræmi við álit fastanefndarinnar um plöntuheilbrigði sem var skilað 16. júní 2000.

SAMÞYKKT TILSKIPUN ÞESSA:

1. gr.

Próhexadionkalsíum er hér með skráð sem virkt efni í I. viðauka við tilskipun 91/414/EBE eins og kveðið er á um í viðaukanum við þessa tilskipun.

(*) Þessi EB-gerð, sem birtist í Stjtid. EB L 198, 4.8.2000, bls. 39, var nefnd í ákvörðun sameiginlegu EES-nefndarinnar nr. 70/2001 frá 19. júní 2001 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn. Sjá EES-viðbæti við Stjórnartíðindi Evrópubandalaganna nr. 44, 6.9.2001, bls. 14.

⁽¹⁾ Stjtid. EB L 230, 19.8.1991, bls. 1.

⁽²⁾ Stjtid. EB L 57, 2.3.2000, bls. 28.

⁽³⁾ Stjtid. EB L 220, 30.8.1996, bls. 19.

2. gr.

1. Aðildarríkin skulu samþykkja nauðsynleg lög og stjórn-sýslufyrirmæli til að fara að tilskipun þessari eigi síðar en 1. janúar 2001.

2. Með tilliti til mats og ákvörðunartöku í samræmi við samræmdu meginreglurnar sem kveðið er á um í VI. viðauka við tilskipun 91/414/EBE, á grundvelli skjala sem uppfylla kröfurnar í III. viðauka við tilskipunina, er þó fresturinn, sem mælt er fyrir um í fyrstu málsgrein, framlengdur til 1. janúar 2002 fyrir bráðabirgðaleyfi sem hafa þegar verið veitt fyrir plöntuvarnarefni sem innihalda próhexadíonkalsíum.

3. Fyrir plöntuvarnarefni, sem innihalda próhexadíonkalsíum ásamt öðru virku efni sem er skráð í I. viðauka við tilskipun 91/414/EBE, er þó fresturinn, sem um getur í 1. mgr., framlengdur ef kveðið er á um lengri tíma til framkvæmda í ákvæðunum sem eru sett í tilskipuninni og varða skráningu hins virka efnisins í I. viðauka við tilskipun 91/414/EBE.

4. Aðildarríkin skulu hafa skoðunarskýrsluna aðgengilega (nema trúnaðarupplýsingar í skilningi 14. gr. tilskipun-arinnar) fyrir alla hagsmunaaðilaeða eða veita þeim aðgang að henni fari þeir þess sérstaklega á leit.

5. Þegar aðildarríkin samþykkja þessar ráðstafanir skal vera í þeim tilvísun í þessa tilskipun eða þeim fylgja slíka tilvísun þegar þær eru birtar opinberlega. Aðildarríkin skulu setja nánari reglur um slíka tilvísun.

3. gr.

Tilskipun þessi öðlast gildi 1. október 2000.

4. gr.

Tilskipun þessari er beint til aðildarríkjanna.

Gjört í Brussel 26. júlí 2000.

Fyrir hönd framkvæmdastjórnarinnar,

David BYRNE

framkvæmdastjóri.

*VIDAUKI***1. Próhexadíonkalsíum**

1. Kenni: (IUPAC-heiti) kalsíum-3,5-díoxó-4-própíónýlsýklóhexankarboxýlat
2. Sérstök skilyrði sem þarf að uppfylla:
 - 2.1. Hreinleiki virka efnisins skal vera að lágmarki 890 g/kg.
 - 2.2. Aðeins er heimilt að veita leyfi fyrir notkun sem stýriefni.
 - 2.3. Við framkvæmd samræmdu meginreglnanna í VI. viðauka skal taka tillit til niðurstaðna endurskoðuðu matsskýrslunnar um próhexadíonkalsíum, einkum I. og II. viðbætis hennar, eins og fastanefndin um plöntuheilbrigði gekk frá henni 16. júní 2000.
3. Skráningin rennur út 1. október 2010.